



Pele Broberg
Naleraq sinnerlugu Inatsisartunut ilaasortaq

15-08-2025
Sagsnr. 2025 - 391
Dok. nr. 22954854

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

§ 37 naapertorlugu apeqqummut nr. 2025-124-imut akissut

Inatsisartut Suleriaasianni § 37, imm. 1 naapertorlugu Greenland Airports International A/S-imik piginnittuuneq pillugit Naalakkersuisunut apeqqutit ataani allassimasut saqqummiuppatit.

Apeqqutigineqartut tullinnguuttuni akineqarput.

Apeqqut 1. Namminersorlutik Oqartussat Greenland Airports International A/S-mik tamakkiisumik piginnilernissamut Naalagaaffik Danmark-imut (den danske stat) saaffiginninnissaq toqqaannartumik toqqaannanngitsumillu qanoq aningaasatigut kinguneqarsinnaassava?

Akissut: Namminersorlutik Oqartussat danskit Naalagaaffiata Greenland Airports International A/S-imik piginneqataassutaanik pisissagalaruni (toqqaannartumik toqqaannanngitsumillu) qanoq "akeqarsinnaanera" pillugu qulaani apeqqutigineqartoq akissuteqaammi tunngavigineqarpoq.

- 1) Naalagaaffik 700 mio. kr.-nik aningaasaliissuteqarnermigut Greenland Airports International A/S-imik 33,3 pct.-imik piginneqataavoq, akertianilli Namminersorlutik Oqartussat, Greenland Airports, Mittarfeqarfiit A/S aqqutigalugu 1.400 mio. kr.-nik aningaasaliissuteqarnermikkut 66,7 pct.-imik piginneqataallutik.

Toqqaannartumik aningaasaqarnikkut kingunerisassat eqqarsaatigalugit Namminersorlutik Oqartussat danskit naalagaaffiata Greenland Airports International A/S-imi piginneqataassutaanik pisineranni akigitinneqartoq apeqqutaajumaarpoq. Aningaasat tamakkiisumik ilaannakortumilluunniit taarsigassarsinikkut pissarsiarineqarpata tamatuma saniatigut toqqaannartumik kingunerisassani taarsigassarsinermut aningaasartuutit taakkuningalu

akilersuineq ilanngunneqassapput. Kiisalu naalagaaffiup piginneqataassutaanik pisinermut atatillugu suliamut aningaasartuuteqarnikkut toqqaannartumik kinguneqarumaarpoq.

Assersuutigalugu 'periarfissami allami aningaasartuutaasussaagaluit' eqqarsaatigigaanni taava taakku *toqqaannangitsumik* aningaasartuutaapput. Danskít naalagaaffiata piginneqataassutaanik pisinermut aningaasartuutaasut allamut *atoraluaaraanni* taakku nalingat matumani pineqarpoq.

Apeqquut 2. Namminersorlutik Oqartussat aningaasartaqanngitsumik aningaasartaqanngingajattumillu Greenland Airports International A/S tamakkiisumik pigilersinnaanissaanut Naalagaaffik Danmark-imut (den danske stat) isumaqatigiissuteqarsinnaanissaq Naalakkersuisut naatsorsuutigisinnaavaat?

Svar: Danskít naalagaaffimmi pigisaata Greenland Airports International A/S-imik pigilernissaanut Naalakkersuisut maannakkut isummersimannngillat.

Inussiarnersumik inuulluagqusillunga



Jens Frederik Nielsen
Naalakkersuisut Siulittaasuat